




BUDITE SIGURNIJI SA PSIMA!

Evo nekoliko savjeta za
podsjetiti djecu kako izbjeći ugriz psa:

SAVJETI ZA SVE (KAKO BITI SIGURNIJI U DRUŠTVU PSA)

Dogs Trust nudi besplatne radionice za djecu u osnovnim školama, kako bi djeca i psi mogli živjeti zajedno sigurno i sretno kod kuće i u zajednici!


Ukoliko želite dogovoriti radionicu u vašoj školi, kontaktirajte naše obrazovne aktivistice i odredite termin radionice koji vama odgovara.



BUDITE SIGURNIJI SA PSIMA!

Savjeti i upute za cijelu obitelj

Savjeti i upute za cijelu porodicu



Milioni ljudi imaju pse kao kućne ljubimce. Ustvari, svi se vjerovatno susrećemo sa psima svakodnevno, kod kuće ili kada smo vani. Pasa ima u svim oblicima, veličinama i sa mnogo različitih osobnosti - a većina od nas, posebno djeca, odbijamo vjerovati da pas koji djeluje umiljato i prijateljski može namjerno povrijediti nekoga. No, jednostavna činjenica je da svi psi imaju zube i bilo koji pas nas može uplašiti ili ugristi ako je u tom trenutku zabrinut, prestrašen ili povrijeđen.

Dakle, vlasnici pasa ili ne, važno je da svi znamo i naučimo našu djecu kako da se ponašaju u blizini pasa. Posjedovanje i druženje sa psima ima veoma mnogo prednosti za ljude i može biti jako zabavno za djecu - ali je neophodno uz malo predviđanja situacije i istraživanja osigurati da svi članovi porodice i zajednice budu sigurni kada su u društvu pasa!

Nemojte nikada uznemiravati pse koji jedu ili spavaju.

Čak i ako djeluje zabavno, nikada nemojte izazivati psa.

Ne prilazite psu koji je bez vlasnika.

Psu smijemo pričati samo kada vlasnik kaže da je uredu.

Nakon toga, pas nam treba onjušiti ruku, a zatim ga smijemo nježno pomilkiti.

Približava nam se nepoznat pas? Stanemo mirno, pogled u stranu, prekrižimo ruke preko prsa.

Kada smo u društvu bilo kojeg psa, trebamo ostati mirni, bez mnogo buke i galame.

Naši prijatelji možda uživaju kada ih zagrlimo, ali psi ne.

Zapamtite da SVI psi imaju zube.

Psu prilazite s poštovanjem i on će poštovati vas!



© Dogs Trust 2015.

www.bedogsmart.org.uk



NAJBOLJA PREVENCIJA: NADZOR!

“Moj pas čak i ne zna ugristi...”


“Što god da učinite mome psu, on neće ugristi...”

Veza između psa i porodice sa kojom živi je posebna. Naizgled, kada pas ugrize dijete, to je često upravo pas kojeg dijete poznaje i u okruženju gdje to najmanje očekujemo, kao na primjer naš vlastiti dom.

Pravilo broj jedan je jednostavno: “Nikada ne ostavljajte dijete samo sa psom” — bilo kojim psom. Od najmanjih do najvećih, čak i oni maleni, slatki psi, mogu ugristi ako su izazvani.

Poput ljudi i psi imaju određeni nivo tolerancije, koji moramo poštovati. Najčešća pogreška koju ljudi čine kada je u pitanju naš četveronožni prijatelj jeste da zaborave da je pas živo biće koje razmišlja, osjeća i biva uplašen kao i mi.

PAZITE ŠTA PAS RADI



UPLAŠEN PAS
(uši povijene nazad, pogrljen)

Kada je pas dobro raspoložen, njegov govor tijela je opušten i vrcav. Ukočenost tijela, ščućuren sa ušima prema nazad i podvijenim repom znači da psu nije ugodno u trenutnoj situaciji.



LJUT PAS
(reži)

Svi bismo trebali znati da rezanje psa znači da se pas osjeća neugodno. Rezanje psa je rani znak agresije i to treba uzeti ozbiljno, čak i ako mislite da vaš pas nikada ne bi ugrizao!



PAS POD STRESOM
(liže usne)

Obratite pažnju na ove veoma lako uočljive stres signale kod psa: zijevanje u neprikladno vrijeme i lizanje usana kada ne jede hranu.



PAS KOJI SE NE OSJEĆA UGODNO
(udaljava se od nas)

Ako se pas uporno udaljava od djeteta, ne dopustite da ga dijete slijedi! Pas se u daljina jer ne želi da mu se približavamo. Ako se mi nastavimo približavati, reakcija psa bi mogla biti rezanje ili ugriz kako bismo se udaljili.

PAZITE ŠTA DJECA RADE

Naučiti djecu kako se ponašati u blizini pasa je važno, ali ne možemo računati na dijete (ili psa) da u svakom trenutku pamte pravila sigurnog ponašanja.

Dovoljno je samo nekoliko sekundi da dijete nastrada, a odrasli su zaduženi da u svakom trenutku paze i zaustave potencijalno rizične situacije.



Djeca ne bi trebala trčati i vikati u blizini psa

Djeca koja viču, trče i stvaraju buku lako mogu uplašiti psa. Ako jure psa, također ga mogu pretjerano uzбудiti i pas ih može štignuti jer misli da se dijete želi igrati.



Uzurpiranje ličnog prostora

Psi trebaju prostor i mogu se osjetiti ugroženi time što ih neko pokušava poljubiti ili zagrliti. Da, neki psi to toleriraju, ali je sigurnije za dijete da to ne čini.



Povlačenje za uši / bockanje očiju

Mala djeca mogu u igri povući psa za uši ili ga bockati u oči, što bi moglo naljutiti ili povrijediti psa. Dijete treba učiti da to nikada ne radi, jer povrijeđen pas ili pas koji se osjeća ugroženo, može vrlo lako ugristi.



Izazivanje psa

Izazivanje psa može učiniti ljutitim ili frustriranim dovoljno da ugrize. Na primjer, ako pas ima hranu ispred sebe ili svoju igračku, djeca to ne bi smjela dirati.



Pustite psa da spava!

Psi se mogu osjećati posebno osjetljivo kad spavaju, jedu ili piju. Djecu treba naučiti da ih ostave na miru u ovakvim situacijama. Psi, kao i mi, trebaju svoj prostor ili bi mogli loše reagirati.

BLIDITE SIGURNIJI KADA STE VANI U BLIZINI PASA ...

Čak i ako ne posjedujete psa, postoji mnogo toga što možete učiti svoju djecu o očuvanju sigurnosti u blizini pasa sa kojima se susreću u svakodnevnom životu. Glavna pouka za djecu kako bi bili što sigurniji u blizini pasa jeste da ne jure ili izazivaju pse koje poznaju, a da budu dodatno oprezni u blizini pasa koje ne poznaju. Postoji puno stvari koje treba uzeti u obzir - možda se pas ne voli družiti sa djecom? Ili se osjeća loše? U svakom slučaju, ne smijemo pretpostaviti da će svaki pas biti prijateljski raspoložen i da će željeti da se družiti s nekim ko je za njega stranac.

Slijede neke specifične situacije koje trebamo objasniti djeci kako bismo im pomogli da budu što sigurniji.



Kada prilazimo psu kojeg ne poznajemo

- Uvijek moramo pitati vlasnika za dozvolu prije nego pridemo psu
- Uvijek pitamo vlasnika gdje pas voli da se milki
- Kada nam vlasnik dozvoli da pridemo psu, ispružimo ruku, prste skupimo, bez naglog posezanja prema psu, dozvolimo mu da nas onjuši jer nas na taj način upoznaje.
- Psa milimo nježno, gornjim dijelom šake na mjestu gdje je vlasnik rekao da psu odgovara. Kada vidimo da to psu odgovara, možemo ga pomilovati i dlanom. Psa uvijek milimo nježno ne tapšemo niti mičemo ruku gore dolje po dlaci jer to psu ne odgovara.



Ako vam se pas približava

- Stanite mirno, samouvjereno, u uspravnom položaju i nemojte direktno gledati psa u oči. Nemojte se pognuti dolje jer možete zbuniti psa.
- Ako držite loptu ili hranu, bacite je nježno malo dalje od vas. Ako je pas krenuo prema onome što ste bacili, možete se polako udaljiti.

Ako pas skoči na vas

- Ako pas skače na vas, prekržite ruke na prsima. Držite prste - stisnute u pesnicu. Ako možete, okrenite se bočno od psa jer mu to djeluje manje napadački.
- Stanite mirno, samouvjereno, u uspravnom položaju i nemojte direktno gledati psa u oči.
- Sačekajte - da dođe vlasnik psa ili odrasla osoba u pomoć a zatim se udaljite polako i smireno.



Ako vas pas obori na zemlju

- Ako vas pas obori na zemlju, sklupčajte se u loptu, poput ježa! Pokrijte svoje lice i glavu rukama i ostanite u tom položaju dok odrasla osoba ne dođe u pomoć, ili se pas ne udalji.

Zapamtite, ovo su samo neki od lako uočljivih znakova stresa i nelagode kod pasa, a pas može pokazati nelagodu na još mnogo različitih načina.